



Oosies

NUUSBRIEF

2026

WERK EN OORWIN

Ons omgee-uitleefskool waar ons met passie potensiaal ontsluit

#trotseoosie #laatdieblougolfrol #hierbouonsjoutoekoms

01/2026

Januarie 2026

UIT DIE HOOF SE KANTOOR

Beste Oosie-ouers, voogde en leerders

Dit is vir ons 'n groot voorreg om almal weer terug te verwelkom by Hoërskool Oos-Moot vir 2026. Aan ons nuwe ouers en leerders, 'n besondere welkom aan julle! Ons sien uit daarna om julle deel te maak van die Oosie-familie en vertrou dat julle gou tuis sal voel in ons skoolgemeenskap.

Ons staan aan die begin van 'n jaar wat reeds vol belofte is: 'n jaar gevul met akademie, sport en kultuur, waar elke leerder geleentheid het om te groei, te ontdek en te presteer. Ons moedig al ons leerders aan om aktief betrokke te raak by die skool se aktiwiteite. Deur deel te neem, bou hulle nie net waardevolle vaardighede nie, maar ook vriendskappe en herinneringe wat 'n leeftyd hou.

Ons is ook opgewonde om hierdie jaar vir ouers 'n afsonderlike dagboek-aktiwiteitskalender beskikbaar te stel om te help met beplanning rondom skoolaktiwiteite. Neem asseblief kennis dat die kalender voorlopig is en dat sekere datums of besonderhede kan verander. Enige wysigings sal betyds met u gekommunikeer word.

Ons nooi u graag uit om ons op ons sosiale mediaplatforms te volg (Facebook en Instagram) vir gereelde nuus, foto's en belangrike aankondigings. Ons wil ook ouers aanmoedig om betrokke te raak by die skool en ons projekte. U betrokkenheid versterk nie net ons gemeenskap nie, maar dra regstreeks by tot die groei en sukses van ons leerders. U ondersteuning is vir ons van onskatbare waarde, en ons waardeer dit opreg.

Mag 2026 vir elke Oosie-gesin 'n geseënde, vreugdevolle en betekenisvolle jaar wees. Kom ons werk saam om Hoërskool Oos-Moot nóg hoër hoogtes te laat bereik!

Vriendelike groete

Me S Theron
HOOF

ALGEMEEN

Belangrike datums en kontakbesonderhede

- 12 Jan. : Gr.8 Bekendstellingsdag
- 13 Jan. : Matriekuitslae 2025
(uitgegee)(08:00-10 by skool)
- 13 Jan. : Gr.8 Swemuitdunne
- 13 Jan. : Netbalproewe (o.15 tot o.18)
- 13 Jan. : Gr.8 ouerinligtingsaand
- 14 Jan. : All Stars oudisies
- 15 Jan. : Bloedskenkdag
- 15 Jan. : Gr.9 tot 12 oueraand en –
inligtingsessie.
- 16 Jan. : SWEM INTERHUIS
- 17 Jan. : Netbalproewe (o.14)
- 17 Jan. : Hokkieproewe (o.15/o.16)
- 20 Jan. : ATLETIEK INTERHUIS
- 22 Jan. : FOTODAG 1 (Individuele
foto's)
- 24 Jan. : Atletiek (Zwartkop)(weg)

KONTAKBESONDERHEDE

Hoof: Me Susan Theron

(diehoof@oos-moot.co.za)

Adjunkhoof: Me Hanlie van Staden

(vanstadenh@oos-moot.co.za)

Dissipline: Me Mariane Haasbroek

(c.haasbroek@oos-moot.co.za)

Maatskaplike werker: Me Janine Olivier

(j.olivier@oos-moot.co.za)

Finansies: Me Annalize Jacobs

(finansies@oos-moot.co.za)

Bemarking: Me Chriselda Meyer

(bemark@oos-moot.co.za)

Kultuur: Me Lee Bouwer

(kultuur@oos-moot.co.za)

Sport: Mnr Braam Pretorius

(sport@oos-moot.co.za)

Klerebank: Me Karin Badenhorst

(klerebank@oos-moot.co.za)

E-posadres vir onderwyspersoneel is op die skool se webwerf beskikbaar.

GRAADVOOGDE

Afwesighede en die uitteken van leerders word deur graadvoogde hanteer. Hul stuur ook belangrike kommunikasie via Whatsapp na ouers.

Graad 8

Me M Grove (m.grove@oos-moot.co.za)

(079 208 4632)

Graad 9

Me J Botha (j.botha@oos-moot.co.za)

(079 207 4415)

Graad 10

Me N Pfeil (n.pfeil@oos-moot.co.za)

(066 416 6252)

Graad 11

Me Z de Klerk (z.deklerk@oos-moot.co.za)

(064 884 6059)

Graad 12

Me T Ferreira (t.ferreira@oos-moot.co.za)

(079 207 0022)

Ons verwelkom nuwe personeel

Ons verwelkom die volgende nuwe personeel wat hul hierdie jaar by ons Oosie-personeelkorps aansluit. Ons sien daarna uit om te ontdek watter unieke bydraes hulle gaan maak.

Nuwe personeel	
Mnr D Neethling	Me A de Villiers
Mnr D du Plessis	Me J Bodenstein
Mnr F Bodenstein	Me S Grahlan
Me H Louw	Me S Korff
Me C Jordan	Me A Botha
Me M v Deventer	Me Z vd Westhuizen
Me A Trollip	Me M Potgieter

Skool heropen 2026

Skole heropen 2026 : 12 Januarie 2026 (personeel)

: 14 Januarie (leerders)

Skooltye

- Maandae tot Donderdae: 07:25 tot 14:00
- Vrydae : 07:25 tot 13:35

Graad 8: bekendstellingsdag - 12 Januarie

Die Matriekraad (MR) sien daarna uit om jou in Oosie-land te verwelkom!

Program vir die dag

- 08:00 : Graad 8's ontmoet MR
- 09:00 – 11:00 : Aktiwiteite
- 11:00 – 11:30 : Pouse
- 11:30 – 14:00 : Aktiwiteite
- 14:00 : Graad 8's verdaag huis toe

Graad 8: Avontuurkamp

'n Graad 8-avontuurkamp word vir ons leerders gehou om hul inskakeling by die skool te vergemaklik. Ons wil graag dat AL die graad 8-leerders die kamp bywoon.

Datum : 14 tot 16 Januarie 2026

Die skrywe vir die kamp is by die onderstaande skakel beskikbaar:

Volg hierdie skakel vir die [Avontuurkampskrjwe](#) met volledige inligting.

Belangrike dokumentasie vir ouers

Die volgende dokumentasie word in die eerste week van Januarie 2026, in harde kopie, aan die leerders uitgegee en voor of op **30 Januarie 2026** ingehandig wees:

- Algemene voorwaardes en toelatingsbeleid
- Skoolfonds betalingssooreenoms
- Gedragskode

Skool bankbesonderhede

- Rekeningnaam : Hoërskool Oos-Moot
- Bank : First National Bank (FNB)
- Rekeningnommer: 63124628041
- Takkode : 210835

Belangrik:

- **Skoolfonds betalings** gebruik die **familiekode**
- **Ander betalings** bv. toere, uitstappies, boeke, ensovoorts gebruik die volgende verwysing: Projektnommer+familiekode. Die familiekode is beskikbaar op die staat wat u van die skool ontvang of kontak finansies@oos-moot.co.za.

Skoolfonds 2026

SKOOLGELD 2026 GRAAD 8 TOT 12 (per leerder)	
OPSIE 1: JAARLIKS	OPSIE 2: MAANDELIKS
R 41 112 (eenmalig)	Graad 8 tot 11 R3 426 x 12 1 Januarie tot 1 Desember
	Graad 12 R4 111.20 x 10 1 Januarie – 31 Oktober Let wel: Spesifieke gevalle sal in ag geneem word waar gr.12- skoolgeld oor 12 maande betaalbaar is met die nodige goedkeuring van die Finansiële Komitee

Vrystellings

- Aansoeke vir vrystelling of gedeeltelike vrystelling moet verkieslik voor of op **28 Februarie** van elke jaar ingehandig word.
- 'n Voorlopige verslag moet teen 31 Maart aan die Departement van Onderwys voorgelê word.
- Oorspronklike dokumentasie moet voor 31 Maart** by die skool se finansieskantoor ingehandig word.
- Aansoekvorms en vereiste dokumentasie** is beskikbaar op die skool se [webwerf](#) en kan daar afgelaai en voltooi word.
- 'n Harde kopie van die vorm is ook by die skool beskikbaar.

Navrae: finansies@oos-moot.co.za.

Debietorders

Wil jy jou skoolfonds maklik betaal?

Ons het 'n handige debietorderstelsel beskikbaar. Kontak me. A Jacobs by finansies@oos-moot.co.za as jy belangstel.

Skooldrag en voorkoms 2026

Belangrike herinnering:

Ons wil ouers en leerders vriendelik herinner dat leerders te alle tye in hul amptelike, korrekte skooldrag geklee moet wees.

Kom asseblief die voorkomsreëls noukeurig na sodat ons skool se standaarde gehandhaaf kan bly.

- Ons vra vriendelik dat leerders nie hul hare gedurende die skoolvakansie sal kleur of strepies laat insit nie. Dit geld vir seuns én dogters.
- Leerders moet ook nie hul hare volgens die nuutste modegiere sny nie (bv. seuns se **“mushroom-styl”** – hare super kort onder met baie volume bo).
- 'n Voorkomsinspeksie vind op die eerste dag van elke nuwe kwartaal plaas, en ons vra dat elke Oosie se voorkoms en skooldrag netjies en volgens die skoolreëls sal wees.

Op- en aflaaï van leerders

- Leerders word **nie, voor en tydens skoolure, binne die skoolterrein op- en/of afgelaai nie**.
- Gebruik asseblief die parkeerruimtes buite die skool.
- Moet asseblief nie voor ingangshekke stop of dubbelparkeer nie.
- Moet asseblief nie voor die ingange van privaateiendom rondom die skool parkeer nie.
- Aktiwiteite na skool: Parkeer op die aangewese areas, nie in die straat nie.
- Sport/kultuuraande: Gebruik die parkeerplek by die skoolsaal/kafeteria of krieketklubhuis.

Toegang tot die skoolterrein

Ouers en besoekers

- Geldige ID moet gewys word by toegang.
- Meld aan by ontvangs vir alle besoeke of aflewings.
- Geen ouer of besoeker mag gedurende skoolure, binne die skoolterrein beweeg sonder dat hul by ontvangs aangemeld het nie.
- Geen leerders mag op sportgronde wees sonder toesig van personeel nie.
- Ouers van kinders wat nie Oos-Moot leerders is nie, bly verantwoordelik vir hul gedrag op die skoolterrein.

Parkering binne die skoolterrein

- Parkering (05:00 tot 14:30) binne die skoolterrein is slegs vir personeel en leerders** wat in besit van 'n geldige bestuurslisensie is.
- Leerders met 'n wettige bestuurslisensie moet 'n parkeerpermit by mnr H Badenhorst kry en dit moet in die ruit van hul voertuig vertoon word.

Leerderdagboek en aktiwiteite

- Die leerders ontvang aan die begin van die skooljaar 'n GRATIS skooldagboek.
- Hierdie dagboek **moet elke dag by die skool wees**.

Selffoonlose skoolomgewing

Oos-Moot is sedert 2024 'n selffoonvrye skoolomgewing. Ons glo dat hierdie beleid leerders help om hul volle aandag aan hul studies, onderrig en sosiale interaksie te gee sonder afleidings. Dit moedig ook gesonde kommunikasie en fokus aan.

Selffoon- en sosiale media gebruik deur leerders

'n Skrywe om die Skoolbeheerliggaam en die skool se Bestuurspan se standpunt oor die gebruik van selfone en elektroniese kommunikasie apparate en sosiale media aan u uiteen te sit en om enige misverstande uit die weg te ruim is by hierdie [skakel](#) beskikbaar.

Reëlins

- Alle leerders se selfone moet heeltemal afgeskakel (nie op *silent* gestel nie) en gebêre wees wanneer hulle by die skoolterrein inkom tot die laaste skoolklok van die dag (klok tot klok reël).
- Die selfone bly vir die volle duur van die skooldag afgeskakel, insluitend pouses.
- Indien 'n selfoon gesien word, lui of vibreer, sal dit gekonfiskeer word.

- Gekonfiskeerde selfone kan na een week (5 skooldae) slegs deur 'n ouer by die skool afgehaal word. 'n Bedrag van R100 per toestel is betaalbaar vir stoorkoste.
- Indien 'n leerder gedurende die skooldag ongesteld voel of siek word, meld hulle by die graadvoog aan, waarna die skool u direk sal kontak.

Fotodag 1: Individuele foto's

Die eerste fotodag vir 2026 is op 22 Januarie.

Dit is belangrik dat 'n individuele foto van elke leerder geneem word, aangesien die foto's in die skool se jaarblad en ander media gebruik word.

Reëlins

- Individuele foto's word van alle leerders en alle personeel geneem.
- Die skooldag en klaswisseling gaan soos normaal voort.
- Alle leerders moet afgeneem word.
 - Indien ouers NIE toestemming verleen vir die gebruik van die leerder se foto nie moet 'n brief aan die skool gerig word waarin die rede daarvoor gemeld word.
 - Die leerder se foto sal egter steeds geneem word, aangesien die ouer die foto kan aankoop.
- Prestige Photographers (fotograwe) stuur bestelvorms uit waar foto's elektronies bestel en betaal kan word.
- Geen familiefoto's word geneem nie.
- Leerders moet korrek en volgens die skoolreëls geklee wees.

Kleredrag

Graad 8 tot 11	Graad 12
- Somersdrag - Kleurbaadjie	- Somersdrag - VLR-das - Kleurbaadjie
VLR	Matriekraad
- Somersdrag - VLR-das - Kleurbaadjie	Formele drag
Let wel: Geen penningbaadjie word geleen vir enige foto nie.	

Sluitkaste ("lockers")

Sluitkasbesprekings en -betalings vir 2026 open in Januarie 2026. Die senior leerders kry eerste die geleentheid om hul sluitkaste te bespreek.

Die volgende sluitkaste is beskikbaar:

Tipe sluitkas	Koste (R)
Gewone sluitkaste (handboeke, skrifte, ens.)	R180
Sportsluitkaste (sporttoerusting)	R220
IGO-sluitkaste (slegs IGO-leerders graad 10 to 12)	R220

Betaling

- Geen EFT-betaling word gedoen nie.
- Leerders kan kontant of per kaart betaling doen by die personeellid aangedui.
- Leerder bespreek volgens graad, op die datum hieronder genoem, die spesifieke sluitkas by die personeellid aangedui.

Besprekings

Besprekingsdatums is gedurende skoolure en sal soos volg geskied:

Graad	Datum	Personeellid
12	14 / 15 Januarie	Me Edwards (K75)
11	20 / 21 Januarie	Me Edwards (K75)
10	22 / 23 Januarie	Me Edwards (K75)
9	27 / 28 Januarie	Me A de Villiers (T10C)
8	29 / 30 Januarie	Me A de Villiers (T10C)

AKADEMIE

Ouerinligtingsaande

Ons nooi u vriendelik uit om hierdie **belangrike datums** oop te hou en die vergadering(s) by te woon, sodat u goed ingelig is en presies weet wat nodig is vir u kind om die nuwe jaar suksesvol aan te pak.

Datum en tyd	Graad	Plek
13 Januarie (17:30 vir 18:00)	8	Skoolsaal
15 Januarie (17:30 vir 18:00)	9 tot 12	Skoolsaal

Wolkskool 2026

In die eerste twee weke na die heropening van die skole in Januarie 2026, sal leerders gewys word hoe die Wolkskool/Google Classroom-platform werk.

Gedurende hierdie tyd sal hulle onder toesig vir 'n kort tydperk hul selfone in die klas mag gebruik, sodat almal vertrouwd raak met die stelsel.

ATKV toespraakonderwerpe

Die ATKV is terug met splinternuwe toespraakonderwerpe vir 2026.

Afrikaans Huistaal	
Graad 8 en 9	Graad 10 tot 12
Onkruid	Risiko
Tendens	Polemiek
Mentor	Naskrif

Public Speaking (prepared speeches 2026)

Public Speaking 2026 tema is bekend!

Die tema vir die Prepared Speeches kompetisie in 2026 is "IDIOME".

Leerders kies self 'n idioom en moet 'n argumenterende praatjie voorberei waarin hulle verduidelik of hulle saamstem met die idioom of nie. Dit belooft om kreatiewe, slim en insiggewende debatte te wees!

Skryfbehoefteyste 2026 (gr.8 tot 12)

Die skryfbehoefteyste vir die onderskeie grade is by die volgende [skakel](#) beskikbaar. Let asseblief daarop dat daar deur die loop van 2026 nog items versoek kan word.

Handboekuitreikings 2026 (Gr8 tot 12)

Elke Oos-Moot leerder ontvang tussen R2 500 – R3 000 se handboeke gratis op 'n uitleenbasis. Die leerders ontvang hul handboeke, per graad, op onderskeidelik die volgende datums:

Datum	Graad
12 Januarie	8
13 Januarie	12, 11
14 Januarie	9 en 10

12 Januarie handboekuitreiking

Graad 8-leerders ontvang deur die loop van die dag hul handboeke.

13 Januarie handboekuitreikings

Die prosedure vir die GRAAD 12 en 11 handboekdag is soos volg. Ons versoek dat daar asseblief by die volgende tydgleuwe gehou sal word.

Graad 12	
Voogklasse	Tyd
A & B & C	08:00-08:30
D & E & F	08:30-09:00
G & H & I	09:00-09:30
J	09:30-09:50
Graad 11	
Voogklasse	Tyd
A & B	12:10-12:30
C & D	12:30-12:50
E & F	12:50-13:10
G & H	13:10-13:30
I & J	13:30-13:50

14 Januarie handboekuitreikings

Die graad 9- en 10-leerders ontvang hul handboeke deur die loop van die skooldag.

Algemeen

- Indien die leerder sy/haar tydgleuf misgeloop het, kan sy/hy om 14:00 aanmeld.
- Indien 'n graad 12-leerder uitstедig is, sal sy/haar boeke veilig gebêre word. Op 14 Januarie sal hierdie leerders geleentheid gegee word om hul handboeke by die handboekstoor af te haal.

Uitstaande/Verlore 2025 handboeke

- Leerders wat nog 2025 handboeke of gelde vir verlore handboeke verskuldig is, sal nog nie handboeke vir 2026 kan ontvang nie. Die databasisstelsel blokkeer die leerder. Handel asseblief alle 2025 handboekverpligtinge af.
- Verlore handboeke: Betaal R250 (Gr.8/9) of R275 (Gr.10-12) by die finansiële kantoor en bring die kwitansie na boekstoor.

Voorskrifte vir die versorging van handboeke

Ons herinner elke Oosie weer aan die volgende voorskrifte vir die versorging van ons skoolhandboeke.

A	GEEN kleefplastiek (decifix) of insteek plastiekslopiеs (book covers) word toegelaat op Oos-Moot handboeke nie. Leerders is welkom om dit te gebruik vir hul skrifte en skooldagboek.
B	Nuwe handboeke of handboeke waarvan die plastiek al verslete is moet asseblief oorgetrek word met 'n rol plastiek (ten minste 80 micron) en goeie kleefband.

C	Die hoeke van handboeke se buiteblaaie moet asseblief aan die binnekante versterk word met karton driehoekies (gebruik sommer afvalkarton soos bv. 'n papboksie).
D	Die gebruik van voorgeskrewe skooltasse met versterkte afskortings is noodsaaklik vir die beskerming van ons skoolhandboeke.

SPORT

ATLETIEK

Atletiekverkope 2026

Ons is afhanklik van elke ouer se hulp om van hierdie byeenkomste 'n groot sukses te maak.

Ons benodig ook produkte en hulp van ouers by die stalletjies.

- [Skakel](#) vir die volledige skrywe (Brief: Atletiekverkope 2026)
- Skeurstrokies en produkte moet asseblief so gou moontlik maar nie later as **14 Januarie** teruggestuur word nie.

Graad 8 tot 12: Atletiekinterhuis

- Die byeenkoms vind gedurende skoolure plaas (dit is 'n amptelike skooldag) en bywoning is verpligtend.
- Leerders wat afwesig is, moet die skool van 'n doktersbrief voorsien.

Kleredrag

Leerders kom in hul **Interhuisspan-kleure** of in Oosie-drag:

VAN	ATLETIEKHUIS	KLEUR
A - H	AMPTENARE	LIG BLOU
I - R	BURGERS	GEEL
S - Z	HEEMRADE	WIT

Program vir die dag

- Leerders begin met voogperiode waarna hul na die atletiekveld sal beweeg.
- Die Interhuisprogram eindig om 15:00.
- Toeskouers en ouers is welkom.

Leerders moet asseblief die volgende saambring vir die dag:

- sonskerm
- hoed
- waterbottel
- geld vir snoepie

SWEM

Graad 8: Swemuitdunne

Oosie, jy skop jou hoërskoolreis op **13 Januarie** af met die swemuitdunne. Bring jou swembroek, jou energie en kom wys ons wat jy in die water kan doen!

Program vir die dag:

08:00	:	Meld aan by die skool
09:00	:	Stap saam met MR na die Tjaart van Vuuren swembad
09:30 – 12:00	:	Swemuitdunne
13:00	:	Verdaag huis toe vanaf die skool.

Kleredrag

Oosie-drag.

Swemdrag

Dogters	Seuns
Vol swembroek (geen bikini's nie).	Swembroek, verkieslik ski-pant (geen speedo's nie).

Graad 9 tot 12: Sweminterhuis

- Die byeenkoms vind gedurende skoolure plaas (dit is 'n amptelike skooldag) en bywoning is **verplichtend**.
- Leerders wat afwesig is, moet die skool van 'n doktersbrief voorsien.

Reëlins

Datum : 16 Januarie 2026
 Tyd : 08:00 – 13:00
 Plek : Tjaart van Vuuren Swembad
 Leerders stap saam met hul voorgoedwyser na die swembad.

Kleredrag

- Oosie-drag.**
- Indien nie in Oosie-drag nie, moet leerders volgens hul **Interhuisspan-kleure** aantrek:

VAN	ATLETIEKHUIS	KLEUR
A - H	AMPTENARE	LIG BLOU
I - R	BURGERS	GEEL
S - Z	HEEMRADE	WIT

Swemdrag

Dogters	Seuns
Vol swembroek (geen bikini's nie).	Swembroek, verkieslik ski-pant (geen speedo's nie).

Toestemming

- Alle leerders moet 'n **Toestemmings-/vrywarings-vorm** invul.
- Die vorm moet **teen Donderdag, 15 Januarie** by die voorgoedwyser ingehandig word.

Kos en verversings

- Leerders mag hul eie kos/koeldrank bring.
- Kosstalletjies sal ook beskikbaar wees.

Bring asseblief saam

Handdoek	Ekstra droë klere
Sonbrandroom	Pet of sambreel
Geen waardevolle items of elektroniese toestelle (bv. selfone) in die swembadarea nie – die skool neem geen verantwoordelikheid vir verliese nie.	

NETBAL

Proewe 2026

Die netbalproewe vir 2026 vind vroeg in Januarie plaas.

Tydskeudule

Datum	Ouderdom	Tyd
13 Jan.	o.15	10:00 (eerste rondte)
	o.16	11:30 (eerste rondte)
	o.17	13:30 (eerste rondte)
	o.18	14:30 (1ste, 2de, 3de proewe)
17 Jan.	o.14	08:00-11:00 (eerste rondte)
26 /27 Febr.	o.14-o.17	Finale rondte

Registrasie vir proewe

Registreer **NOU** reeds by die skakel.

KULTUUR

ALL STARS

Daar is 'n finale geleentheid vir All Stars oudisies.

Datum : **14 Januarie 2026**

Tyd : 17:30 tot 21:00

Plek : Oos-Moot skoolsaal

Aansoekvorm

Voltooi die aansoekvorm ([sien skakel](#)) en bring die vorm saam na die oudisies.

NUUSBRIEFADVERTENSIES

Adverteer in ons skool se nuusbrieff. Koste en volledige inligting by die [skakel](#).



ADVERTEER IN ONS NUUSBRIEF 2026

Die nuusbrieff word weekliks versprei via die skool se d6 Connect toep en per e-pos na ons ouers (2000+), personeel en leerders gestuur. Die brieff word ook op die skool se webwerf ([www.oos-moot.co.za](#)) geplaas waar dit die hele jaar beskikbaar is.

Koste vir 'n A6 advertensie

1 plasing per maand	R350
2 plasinge per maand	R550
3 plasinge per maand	R750
4 plasinge per maand	R950
Plasing vir die hele jaar	Maandelikse bedrag x 11 (% afslag)

*A4 advertensie ook beskikbaar op versoek.

Formaat

- Advertensies met 'n voor- en agterblad word as twee advertensies beskou.
- Advertensies moet in 'n elektroniese formaat gestuur word (JPEG of PNG).
- Geen PDF of geskandeerde advertensies word geplaas nie.
- 'n Advertensie sal slegs geplaas word na goedkeuring en betaling.
- Let wel: "Landscape" formaat advertensies moet gedraai word om in die "portrait" spasie te pas.

Stel jy belang?

Kontak Mariëtte Senekal by webblad@oos-moot.co.za



Oosie-parents give code 201
and the school qualifies for an amount.